

## **Nerisassanik nalunaaqutsersuisarneq pillugu Namminersorlutik Oqartussat n alunaarutaat nr. 31, 17. august 2020-imeersoq**

Tuniniaanissamik nittarsaassisarneq aamma nalunaaqutsersuisarneq pillugu Inatsisartut inatsisaat nr. 39, 9. decembari 2015-imeersumi (nittarsaassisarnermut inatsit) § 16, imm. 1 aamma § 39, imm. 2 naapertorlugit aalajangersarneqarput:

### **Kapitali 1**

#### *Atuuffia nassuiaatillu*

§ 1. Nalunaarut una atuutissaaq Kalaallit Nunaanni nerisassanik tuniniarneqartussatut aalajangiunneqartunik nalunaaqutsersuisarnermi.

*Imm. 2.* Nerisassat avammut nioqqutigineqartussat nalunaarummi pineqanngillat.

*Imm. 3.* Nerisassanik nalunaaqutsiineq Europæiske Unionimi nerisassanik nalunaaqutsersuisarnermut piumasaqaatinik qaqugumulluunniit atuuttunik naammaassinittog nalunaarut manna malillugu nalunaaqutsiinermit taartaasinnaavoq, tak. taamaattoq sulii § 11, imm. 2, nr. 1 aamma imm. 3, § 23, imm. 5, aamma § 41.

§ 2. Nalunaarummi uani nalunaaqutserneqartussat makku pineqarput:

- 1) nerisassat nerisassianut sorlernut ilaanersut paasissutissiiffiginissaat (sorpiaaneranik nalunaaqutsiineq), aamma
- 2) nerisassat naammassillugit poortoriikkat atuisunut igaffissuarnulluunniit, nerisassiorfissuarnut, nerianiartarfinnut, paaqqinnittarfinnut assigisaannulluunniit tuniniarneqartussatut aalajangiussat.

§ 3. “Nerisassat” nalunaarummi uani tassaapput tunisassiatut suliat assigiissaarlugit suliarineqarsimasut, sananeqarsimasut poortorneqarsimasulluunniit.

§ 4. “Nerisassat naammassillugit poortoriikkat” nalunaarummi uani tassaapput nerisassat tuniniarneqarnissaat sioqqullugu toqqaannanngitsumillu ataqatigiinngitsumik poortuutissanut aatsaat atuisunit igaffissuarnilluunniit, nerisassiorfissuarnit, nerianiartarfinnit, paaqqinnittarfinnit assigisaannilluunniit ammarneqartussanut poortorneqarsimasut.

§ 5. “Nioqqutissat suunerinit taaguusiinermi taaguut” inatsisini nerisassamut aalajangiunneqartoq taaguutitut paasineqassaaq.

*Imm. 2.* Inatsisini taaguummik aalajangiisoqarsimangippat, tak. imm. 1, taaguut nerisassamut pisarnertut taaguutaasoq atorineqassaaq.

*Imm. 3.* Taaguutininik nalinginnaasunik ilisimaneqartunik soqanngippat, tak. imm. 2, taaguummik nassuiaataasumik nerisassap suuneranut tikkuussilluni tulluartsuunnaasumik atuisoqassaaq.

§ 6. “Akua” nalunaarummi uani imatut paasineqassaaq suugaluartorluunniit nerisassamik sananermi nerisassiornermilu unniit akoritinneqartoq, nerisassamilu naammasseriikkami allanngorluunniit nassaassaasoq.

*Imm. 2.* Nerisassami akorineqartoq akuutissat arlallit atorlugit sanaajusimappat akuutissat taakku nerisassami pineqartuurniittut akuutissatut isigineqassapput.

§ 7. “Inuussutissaqassusianut nalunaarsuiffimmut” atatillugu nalunaarummi uani paasineqassapput poortuutissami paasissutissat suugaluartut nerisassami makkua akuusut:

- 1) nukik,
- 2) orsoq,
- 3) kulhydrat,
- 4) protein,
- 5) kostfibre,
- 6) tarajoq, aamma
- 7) vitaminit mineralillu ilann gussaaq 2-mi nassuiaatigineqartut, tassa ilanngussaaq naapertorlugu annertuutut nassaassaatilugit.

§ 8. “Inuussutissaqassutsimik pilerisaarineq” nalunaarummi matumani poortuutissami, ilisarititsinermi imaluunniit pilerisaarinermi nassuiaatigineqartoq, suugaluartoq aamma nerisassap inuussutissartamigut immikkut iluaqutaasinnaanera pillugu atuisut isumaqalersinniarlugit pineqarpoq, nerisassap immikkut peqqinnassutsimigut nukimmik, imaluunniit inuussutissartamigut, vitaminit mineralilluilanngullugit.

§ 9. Nalunaarummi matumani makkununnga tunngatillugu paasisassat:

- 1) “Proteini”: kisitseriaaseq una malillugu proteinimiittut naatsorsorneqarput: proteini = Kjeldahlnitrogeni katillugit arnerlisarlugillu 6,25-imik.
- 2) “Kulhydrati”: kulhydrati suugaluartorluunniit inuup inuussutissartornerani nerineqartoq timimilu suliarineqartoq allanngortinneqartorlu, soorlu polyolit.
- 3) “Sukkut assigiinngitsut”: monosakkarid-it aamma disakkarid-it nerisassani akorineqartut tamarmik.  
Polyoler ilanngunneqanngillat.
- 4) “Orsoq”: lipid-it nerisassamiittut tamarmik katinneri, taakkununnga ilanngullugit phospholipider.
- 5) “Orsut arrujasut”: Orsut tamarmik marloriaammik atassuteqanngitsut.

- 6) “Orsut arrujaatsut ataasiakkaartut”: Orsut tamarmik ataatsimik isuatigut marloriaammik atassutillit.
- 7) “Orsut arrujaatsut”: Orsut tamarmik marlunnik amerlanerusunilluunniit isuatigut, cismethylenit marloqiusamik atassutillit kipisimasut.
- 8) “Tarajoq”: tarajoq uuma ki sitseriaatsip tarajoqassussaa naapertorlugu paasineqassaaq: tarajoq = natriumi amerlisarlugu 2,5-imik.
- 9) “Agguaqatigiissinnerisa nalingat”: nalinga inuussutissatut inuussutissaqassusaanut naapertuunnerpaaq, issusialu eqqarsaatigalugu ukiup qanoq ilinerani allannguutaasinnaasut, atueriaatsit allallu sunniutaasinnaasut pissutigalugit nalinganut sunniuteqarsinnaasut.

§ 10. Nerisassap “qanoq sivi sutigisumik atasinnaanera” pineqartillugu nalunaarummi matumani ulluluneqartoq pineqarpoq, aamma nerisassap eqqortumik toqqortarineqarnermigut immikkorluinnaq ittumik atasinnaanera ulluluneqartarluni.

## **Kapitali 2**

### *Nalunaaqutsersuisarnermut aalajangersakkat nalinginnaasut*

§ 11. Nalunaarut manna naapertorlugu nalunaaqutsiineq:

- 1) atuaruminartuussaaq,
- 2) ersarissumik takuneqarsinnaassaaq, aamma
- 3) piarneqarsinnaassanngilaq.

*Imm. 2.* Kapitalit 4-9 naapertorlugit nalunaaqutsiisarneq aammattaaq imaassaaq:

- 1) kalaallisut, tuluttut, islandimiusut imaluunniit danskisut oqaatsilluunniit allat atorlugit erseqqissarneqassaaq, allattariarsornikkullu danskisut allannermiit malunnangitsurnik assigiinnngissuteqassalluni, aamma
- 2) imaaliillaannaq sumiiffimmi takuneqarsinnaasumi erseqqissarneqassaaq.

*Imm. 3.* Inuussutissanik tuluttut imaluunniit islandimiusut nalunaaqutsikkanilli tunisaqartarnissamut piunasaq aataavoq inuussutissat inissinneqarfigisimasaasa eqqannguani niuertarimmi nalunaaqutsersuutit nutserneqarsimaneridik inissiisoqarsimanissaa, nalunaaqutsersuutaasut tamaasa eqqarsaatigalugit, nalunaarummi matumani piunasaqarineqartutut kalaallisut imaluunniit danskisut. Akut sapigalinnut navianartut, tak. § 23, imm. 2, ersarissaavigineqarsimassapput takuneqarsinnaasunik.

§ 12. Nalunaaqutsiinermit paasissutissat poortuutissamut ikkunneqarsimassapput, nerisassianullu poortoriikkanut tunngatillugu poortuutissamut naammasseriikkamut imaluunniit allagartaliussamut ilanngussamut ikkunneqarsimassallutik.

*Imm. 2.* Paasissutissat kapitali 3-mi taaneqartut nerisassanut naammassillugit poortorneqanngitsunut ikkunneqarsinnaassanngippata niuernermit allagaatinut ilanngunneqartunut ilineqassapput.

*Imm. 3.* Imatullu pisoqarsimatillugu nalunaaqutsersuinermit paasissutissat kapitalini 4-miit 9-mut taaneqartut niuernermit allagaatinut erseqqissaatigissallugit naammappoq:

- 1) nerisassiaq naammassillugu poortori igaq niuertarfimmu pitinnagu nioqqutigineqalerpat, tunisinerlu nerisassiorfissuarnut, neriniartarfinnut, paaqqinnittarfinnut assigisaannulluunniit pinngippat, imaluunniit
- 2) nerisassiaq naammassillugu poortori igaq nerisassiorfissuarnut, neriniartarfinnut, paaqqinnittarfinnut assigisaannulluunniit iganeqarfissaanut, suliarineqarfissaanut, aggorneqarfissaanut imaluunniit pilanneqarfissaanut tunniunneqartussat aalajangiunneqarsimappat.

*Imm. 4.* Nalunaaqutsiinermit paasissutissat imm. 3-mi taaneqartut erseqqissarneqarsimassappata:

- 1) niuernermit allagaatinut nerisassat taaneqartut ilanngunneqassapput imaluunniit tunniussinissaq sioqqullugu nassiunneqarsimassapput imaluunniit peqatigitillugu tassunga ilanngunneqassapput, imaluunniit
- 2) tunisassiorfiup aqqa, nioqqutissap taaguutaa, qanoq sivisutigisumik atasinnaaneranut ullulnerna pisariaqarpallu inissinnissaanut najoqqutassat pillugit paasissutissat poortuutissap qaavanut erseqqissaatigineqassapput, tassaniissappullu nerisassat pilerisaarutigineqarnerat.

### **Kapitali 3**

#### *Suunerinut nalunaaqutsiisarneq*

**§ 13.** Nerisassat nerisassianut sorlernerat ilaanerat pillugu paasissutissanik nalunaaqutserneqarsimassapput.

*Imm. 2.* Imm. 1 tunisassianut nunalerisuneersunut atuutinngilaq, tassa pinngorfianniit, aalisakkat nutaat, aalisakkaniillu tunisassiat nutaat, aalisariummeersut kiisalu uumasut nutaat piniartuneersut:

- 1) toqqorsivimmiittussanngorlugit, inissititserivimmiittussanngorlugit imaluunniit poortuivimmiittussanngorlugit kalaalimineerniarfimmittussanngorlugilluunniit tuniniarneqartut tunniunneqartulluunniit,
- 2) suliffeqarfinnut tunisassiorfinnut assartorneqartut imaluunniit
- 3) nerisassarineqartussanngorlugit imaluunniit suliareqqitassanngorlugit aaneqartut

*Imm. 3.* Imm. 1 aammattaaq atuutinngilaq

- 1) atugassanik pisiniarfinni nerisassat poortorneqanngitsut, kiisalu kalaalimineerniarfinni nerisassanik tuniniaanermi,
- 2) nerisassanut poortuutissanut puunulluunniit centimeterit 2 10-t ataallugit angissusilinnut poortukkanut,
- 3) nerisassanut ullormik asiuffissamik imaluunniit ullormik atuiffissamik kingullermik nalunaaqutsikkanut, matumani ulluliunn eqartoq ilisarnaasernagu allanneqarsimappat aamma ulloq qaammallu taamatut tulleriisillugit allanneqarsimappata, aamma

4) ataasiakkaarlugit poortorneqarsimasunut, matumani ataatsimoorluni poortuutissamut paasissutissat tunniurneqarpata.

#### **Kapitali 4**

##### *Nerisassanut naammassillugit poortoriikkanut aalajangersakkat*

§ 14. Nerisassat naammassillugit poortoriikkat paasissutissanik makkuninnga nalunaaqutserneqassapput:

- 1) suunerinut nalunaaqutsiineq, kapitali 3 takuuk.
- 2) tunisassior tup aqqa allallu kiisalu suminngaaneersuunera, kapitali 5 takuuk,
- 3) nioqqutissap suunera akunullu allattorsimaffik, kapitali 6 takuuk,
- 4) poortuutissaq ilanngunnagu imarisai, kapitali 7 takuuk,
- 5) uumassutissartai, kapitali 8 takuuk, aamma
- 6) qanoq sivilutigisumik atasinnaanerannut takussutissat kiisalu toqqorsinissamut atuinissamullu malitassat immikkut ittut, kapitali 9 takuuk.

*Imm. 2.* Nerisassat poortoriikkat qaavi 10 cm<sup>2</sup>-imit mikinerusut nioqqutissap suunera, poortuutaa ilanngunnagu imarisai aamma atasinnaassusia allallugit paasissutissiissutigissagaanni naammappoq.

#### **Kapitali 5**

##### *Tunisassior tup aqqa il.il. aamma suminngaanneerfia*

§ 15. Nalunaaqutsiiner mi tunisassior tup aqqa imaluunniit suliffeqarfiup poortuiffiusup aqqa pillugit paasissutissat ilanngunneqassapput.

§ 16. Nalunaaqutsiineq nerisassap suminngaanneer neri pillugu paasissutissanik imaqaassaaq, matumani tamanna pillugu atuisumut paasissutissaqannginneq paatsoortitsisinnaappat.

#### **Kapitali 6**

##### *Nioqqutissap suuneranik nassuiaaneq akunullu allattorsimaffik*

§ 17. Nerisassat nioqqutissat suunerinik nassuiaatitaqassapput, takuuk § 5.

*Imm. 2.* Tunisassior fiup nalunaaqutsiineranik, nioqqutissap suuneranut nalunaaqutsiineq, imaluunniit takorluuinerit malillugit tunisap aqqa taarserneqarsinnaanngilaq.

§ 18. Nioqqutissap taaguutaa inuussutissap qanoq ittuuneranik imaluunniit immikkut suliarineqarsimaneranik ilaqartinneqassaaq, soorlu sequtseqqissaakkanik qajuusaappata, qeriteqqillugu panertitaappata, qerititaappata, akuitsunngorlugu suliaappata imaluunniit pujuugaappata, immikkut paasissutissiisoqannginnera pisisumut paatsuungalersitsisinnaappat.

*Imm. 2.* Nerisassanut tuniniaanissaq sioqqullugu qerisimasunut, aatsillugillu tuniniarneqartunut tunngatillugu nerisassamut taaguut "aatsinneqarsimavoq" ilanngunneqassaaq. Tamatuminngali minitaqarneq pisisussamut paatsiveerutsitsissanngippat tamanra makkunani atuutissanngilaq:

- 1) Akut tunisassiami naammasseriikkamiitillugit.
- 2) Nerisassanut tunisassiornerup ingerlannerani qerititsinissaq teknikip tungaatigut pisariaqarsimappat.
- 3) Nerisassanut qeriunnaarnikunut tunngatillugu isumannaallisaaneq pitsaassuserlu ajorseriassanngipata.

*Imm. 3.* Nerisassamut ilaasoq akorluunniit nerisassami nalinginnaasumik atorineqartussatut pissusissamisoortumilluunniit nerisassaniittussatut naatsorsuutigineqartoq nerisassanut ilaasussamik akumilluunniit allamik taarserneqarsimappat nerisassamut ilaasoq akorluunniit taarsiisoqarnerani tamakkiisumik ilaannakuusumilluunniit atorineqarsimasooq nalunaaqutsersuinermi ersarissumik nassuiarneqassaaq. Taamatut nassuiaaneq ersarissumik allanneqarsimassaaq, nioqqutissamullu nassuiaatigineqartup eqqannguanut inissinneqarsimassalluni.

*Imm. 4.* Neqi tunisassiarineqartoq imermik akuneqarsimappat nioqqutissamut nassuiaatigineqartumi erngup akuut igineqartup annertussusaa ilanngunneqassaaq, matumani imeq akorineqartoq nioqqutissap naammasseriikkap oqimaassusaata 5 %-iannik qaangiisimappat.

**§ 19.** Inuussutissaq akunik assigiinngitsunik katitigaasoq akut allattorsimaffiatigut akorineqartut tamaasa nerisassap sananeqarnerani ilaasut pillugit paasissutissanik nalunaaqutsigaassaaq, taamaattoq takuuk § 21.

*Imm. 2.* Akut allattorsimaffiannut makkuninnga piunasaqartoqarpoq:

- 1) paasissutissat oqaaseq "akorineqartut" ilanngullugu nassuiaaffigineratigut aallarnerneqassapput,
- 2) akorineqartut ataasiakkaat oqimaasutsit milliartornerat malillugu tulleriarlugit, sananeqarfiisalu aallartiffiat naatsorsuullugu nassuiarneqassapput, tak. taamaattoq § 20, aamma
- 3) akorineqartut § 17-imi aamma § 18, imm. 1-imi malittarisassat naapertorlugit immikkut taaguutaat atorlugit nassuiarneqassapput.

*Imm. 3.* Imeq ilanngussa qakorineqartullu imerpalasut nioqqutissami naammasseriikkami oqimaassusii malillugit nassuiarneq assapput. Erngup akorineqartussatut ilanngunneqartup annertussusia nioqqutissap naamma sseriikkap ataatsimut oqimaassusia aallaavigalugu kiisalu akorineqartut allat atorineqartut ataatsimut qassiunerat ilanngaatilugit aalajangerneqartarpoq. Nioqqutissap naammasseriikkap oqimaassusaanik imeq ilanngunneqartoq 5 procentimik qaangiisimannngippat erngup ilanngunneqartup sunik imaqarnera ilannguttariaqanngilaq.

**§ 20.** § 19, imm. 2. nr. 2 akunut makkununnga tunngatillugu saneqqunneqarsinnaavoq:

- 1) Akut kirmittoqquserlugit panertillugilluunniit ator neq artut, sananeqarnerannilu pilerseqqinneqartut. Akut tamakku kimittorsiinerit panertitsinerillu sioqqullugit oqimaassusaat malillugit allattorsimaffimmi nassuiarneqarsinnaapput.
- 2) Akut nerisassani kimittorsakkaniittut panertitaniittulluunniit imermik akuneqartussat. Tamakku nioqqutissami pilerseqqinneqartumi oqimaassutsimikkut nassaassaanerat malillugu nassuiarneqassapput, matumani akunut allattorsimaffik paasissutissanik "nioqqutissiami pilerseqqinneqartumi akut"-mik imaluunniit "nioqqutissiami atuisunut piareeqqasumi akut"-mik ilallugu.
- 3) Paarnani, pupinni imaluunniit naatitani akuukkani akut, taakkunani paarnat, pupiit imaluunniit naatitat oqimaassutsimikkut akorineqartunut pingaarnertut ilanngullugit. Tamakku allatut tulleriarlugit erseqqissaaffigineqarsinnaapput, matumani akunut allattorsimaffik "amerlassutsimikkut allanngorartut"-mik paasissutissartalerlugu ilaneqarpat.
- 4) Akut akuutissaniittut naasunillu akutut akuukkaniittut, taakkunanga arlaat oqimaassutsimikkut pingaarnertut akuunngitsoq. Tamakku allatut tulleriarlugit erseqqissarneqarsinnaapput, matumani akunut allattorsimaffik paasissutissamik "allanngorartumik amerlassuseqarput"-mik ilaneqarpat.
- 5) Akut nioqqutissap naammasseriikkap 2 %-ianit annikinneruppata. Tamakku akut allat malillugit allatut tulleriarlugit erseqqissarneqarsinnaapput.
- 6) Akut imminnut assigiittut imaluunniit imminnut paarlaassinnaasut aamma inuussutissap katitigaanera, suussusaa nalingaluunniit allanngortinngikkaluarlugu nerisassamik sananissamut uutsinissamulluunniit ator neqarsinnaasut, tamakku nioqqutissap naammasseriikkap oqimaassusaanik 2 %-imik qaangiisimangippat. Tamakku akunut allattorsimaffimmut erseqqissaatigineqarsinnaapput "imaqarpoq... aamma/imaluunniit ...", matumani akut ilaanni akunit marluusunit ikinnerpaamik ataaseq ilaappat. Mini taqarnerli tamanna akunut sapigalinnut navianartunut atuutinngilaq.
- 7) Uuliat sulusuarluakkat orsullu naasunit pisut. Tamakku akunut allattorsimaffimmut taagu tit "uuliat naasunit pisut" aamma "orsut naasunit pisut" atorlugit immikkoortinneqarsinnaapput, kinguneratigullu allatuiffimmik naasut suminggaanneernerannik immikkut nassuiaatitalimmik ilallugit, kinguneratigullu "amerlassutsimikkut allanngorartut"-mik ilallugit. Taamaattoqassanngippat uuliat naasuneersut orsut ilanngullugit aammalu naatitat ataatsimut oqimaassusi ator neqartoq tunngavigalugu § 19, imm. 2, nr. 2-mut naapertuuttumik akut allattorsimaffiannut ilanngunneqassapput.  
*Imm. 2. § 19, immikkoortuni 1-imi ilaasunut imm. 2, nr. 3-mi aalajangersakkat saneqqunneqarsinnaapput akunut ilanngussaq 1-imi immikkoortunitunngatillugu .*

§ 21. Akunut allattorsimaffik ukununnga tunngatillugu piumasaqaataanngilaq:

- 1) Paarnanut nutaanut naatitanullu nutaanut qalipaajagaanngitsunut, aggornikuunngitsunut allatulluunniit suliaanngitsunut.

- 2) Imermut taamaallaat kulsyremik akusamut, kulsyrimillu akusisoqarnera nioqqutissap nassuiaataani nalunaarneqarsimasumut.
- 3) Seernartumut pullassiilluni sanaamut, matumani aku ataasiinnaq atorneqarsimappat, akunillu allanik akoorisoqarsim anngippat.
- 4) Imeruersaatit imiga ssamik aalakoornartortalimmik 1,2 volumen procenti sinnerlugu akullit.
- 5) Nioqqutissat ataasi innarmik akullit, nioqqutissamullu nassuiaataanik akut nassuiaataannut assingusumik pillit imaluunniit akup suussusaanik nioqqutissap nassuiaataani paasineqarsinnaasumik.
- 6) Inuussutissat anniki tsukkuutaarlugit pisiniarfimmi tassani sananeqartut, naammassillugit poortorneqartut tuninia gassatullu neqeroorutaasut, matumani niuertarfik aperineqaruni akunik sorlernik atuisimanermik paasissutissiisinnaappat.
- 7) Immussuaq, punneq, immuk immulluunniit immuk kinertoq arrorsagaq, immunnit assinnigitsunik allanik akoqanngippata, enzyminik tappiorannartunillu sananeqarnermigut atorneqartariaqartunik akoqanngippata, imaluunniit tarajoq immussuarmik allamik nutaajunngitsumik aats itamillu immussuarmik sananissamut atorneqartariaqartoq.

*Imm. 2.* Inuussutissanut ilanngunneqartut tullinnguuttut akut allattorsimaffianni mininneqarsinnaapput:

- 1) Imeq nerisassiornermi taamaallaat akumik kimittorsakkamik panertitamilluunniit allannortitsinissamut atorneqartoq.
- 2) Imeq akuugaq pisarnertut nerineqarneq ajortoq.
- 3) Nerisassanut akuutissat (stoffit enzymillu) nerisassami tassanerpiaq akuutissani ataatsimi arlalinniluunniit nassaassaannerat pissutaalluni tunisassiornermi akutut atorneqartut imaluunniit taamaallaat nerisassami nassaassaasut, taamaattoq akuutissat tamakku nerisassiami naammasseriikkami teknikip tungaatigut atuuffeqanngippata.
- 4) Akuutissat kivitsisut akussallu inuussutissanut akussaangitsut, taamaattorli akuutissat kivitsisut assigalugit akutut siunertaminnullu atorneqartut naammattumillu annertussusilerlugit atorneqartut.
- 5) Akuutissat nerisassanut akussaangitsut, taamaattorli teknikip tungaatigut akuutissatut iluaqutissatut atorneqartut assinganillu siunertaqartut nioqqutissami naammassisami suli nassaassaasut, immaqalu allanngorluni.

*Imm. 3.* Taamaattoq akut imm. 2, nr. 3-5-imi nassuiarneqartut sapigalinnut navianartuusimappata nassuiarneqassapput takuneqarsinnaanngorlugillu erseqqissarneqassallutik, § 23, imm. 2 takuuk.

§ 22. Akuugaq inatsisitigut ileqqutigulluunniit aalajangersagaasimappat akut allattorsimaffianni erseqqissaatigineqarsinnaavoq, nioqqutissiamilu ataatsimut oqimaassusaa malillugu akut allattorsimaffiannut inissinneqarluni, matumani taamatut nassuiaanerup kinguinnguutigut akumut katitigaasumut naatsorsorlugu ilanngunneqarpat.



*Imm. 2.* Akunulli ilanngunneqartunut naatsorsuineq imm. 1-imi taaneqartoq aku katit igaasoq nioqqutissap naammasseriikkap 2 %-anik annikinnerusimappat imaluunniit aku katitigaasoq nerisassamiittoq akut suunerinik nassuiaaffigisariaqanngippat ilannguttariaqanngilaq.

§ 23. Aku sapigalinnut navianartoq akut allattorsimaffianni takuneqarsinnaalluartumik akunit allanit immikkoortillugu takuneqarsinnaangorlugu nassuiarneqassaaq, assersuutigalugu allaatsimik, ilutsimik imaluunniit tunuliaqutassamik aalajangersimasumik qalipaasikkamik.

*Imm. 2.* Akut sapigalinnut navianartutut isigineqartut tassaapput:

- 1) Immuk immullu tunngavigalugu nioqqutissat, taakkununnga ilanngullugu laktose. Taamaattoq lactitol kiisalu valle aalakoornartuliornermi atorneqartartoq pinnagit, taakkununnga ilanngullugu ethanol nunalerinermi atorneqartartoq.
- 2) Iffiugassat glutenimik akullit. Taakkununngali ilaanngillat glycosesirup qajuusaneersoq imaluunniit suaasiassaneersoq, dextrose aamma maltodextrin qajuusaneersut, kiisalu karrit tunisassiat aalakoornartuliornissamut atugassiat, matumani nunalerinermut ethanol ilanngullugu.
- 3) Aalisakkat aalisakkamillu tunngaveqarluni tunisassiat. Taakkununngali ilaanngillat issortitsissutaa aalisakkaneersoq vitamininut carotenoidinullut præparatinut imaritsitsissutitut atorneqartussaq, kiisalu issortitsissut aalisakkaneersoq imaluunniit issortitsissut immiaqqani viinninilu ersarissaatitut atorneqartartoq.
- 4) Peqquk peqqullu tunngavigalugu tunisassiat.
- 5) Qimerloqanngitsut qimerloqanngitsunillu tunngaveqarluni tunisassiat.
- 6) Manniit manniillu tunngavigalugit tunisassiat.
- 7) Qaqqortarissat qaqqortarissallu tunngavigalugit tunisassiat.
- 8) Qaqqortarissat, tassa mandelit (*Amgdalus communis L.*), hasselnødder (*Corylus avellana*), valnødder (*Juglans regia*), cashewnødder (*Anacardium occidentale*), pekannødder (*Carya illinoensis* (Wangenh.) K. Koch), paranødder (*Bertholletia excelsa*), pistacienødder (*Pistacia vera*), queensland nødder (*Macadamia ternifolia*), taakkuninngalu tunngaveqarluni tunisassiat. Taamaattoq qaqqortarissat aalakoornartortalinnik sananissamut atorneqartartut ilaanngillat, taakkununnga ilaalluni ethanol nunalerinermi atorneqartartoq.
- 9) Soja, taannalu tunngavigalugu tunisassiat. Taakkununngali ilaanngillat uulia orsoru sojameersut, tocopherolit (E 306) akusaanngitsut akulerutsitat, D-alpha-tocopherol akusaanngitsut, D-alphatocopherylacetat akusaanngitsaq, D-alpha-tocopherylsuccinat akusaanngitsaq sojamit pilersitaq, plantesterolit plantesterolesterit sojamit uulialiamit pilersitat, plantestanolesterit sojamit uulialiamit pilersitat.
- 10) Selleri, taannalu tunngavigalugu tunisassiat.
- 11) Sennep, taannalu tunngavigalugu tunisassiat.
- 12) Sesamfrø, taakkulu tunngavigalugit tunisassiat.
- 13) Lupin, taannalu tunngavigalugu tunisassiat.

14) Svovldioxid aamma sulfittit kimittuut kiilumut literimulluunniit 10 mg-iniit annertunerusut SO<sub>2</sub>-tut tamarmiusutut tunisassiatut atoriaannartut neqeroorutigineqartut imaluunniit tunisassiortup ilitsersuineratigut katiteqqitatut naatsorsuutigineqassapput.

*Imm. 3.* Glycosesirup, dextrose imaluunniit maltodextrinit atorlugu akut tunisassiat, qajuusanit imaluunniit uuliamit orsumilluunniit sojameersumit akuiarlunnakkamit sananeqarsimasut sapigaqartunut navianartutut isigineqanngillat, suliarineqarnera sapigaqartunut navianarnerulersitsisimangippat.

*Imm. 4.* Inuussutissamut naammasseriikkamut poortoriikkamut akut allattorsimaffiata allassimanissaa piunasaqaataangippat akumik tunisassiamilluunniit sapigalinnut navianartumik akoqarpat, tamanna immikkut allanneqassaaq. Massurnani "akoqarpoq" malitsigalugit akut tunisassialluunniit sapigaqartunut navianartut taaguutaat allanneqassapput. Tamanna allanneqanngitsoorsimasinnaavoq, inuussutissap tunisassiatut taaguutaa akumut pineqartumut toqqaannartumik innersuussippat.

*Imm. 5.* Oqaatsitigut apersuisoqarsimassappat nerisassatut tunisassiami poortoriikkami akumik sapigalinnut navianartumik atuisoqarsimanersoq, sapigalinnullu navianartoq matumani sorleq pineqarnera pillugit ilitsersuisoqassaaq. Ilitsersuussisoqartassaaq oqaatsit ilitsersuunneqartussap paasisinnaasai atorlugit.

§ 24. Nerisassap nalunaaqutsernerani akunik nerisassap immikkut ittuuneranut pingaarutilinnik ataatsimik arlalinnilluunniit annertuumik annikitsumilluunniit atuisoqarnera erseqqissarneqarpat tamanna procentinngorlugu nassuiarneqassaaq. Taamatut nassuiaaneq nerisassap nioqqutissatut nassuiarnerata qanittuani imaluunniit akumut pineqartumut atatillugu akunut allattorsimaffimmut nassuiarneqassaaq.

*Imm. 2.* Imm. 1 ukununga tunngatillugu atuutissanngilaq:

- 1) nalunaaqutsiinernut § 5 naapertorlugu nerisassap suuneranut aalajangiisussamut, aamma
- 2) akunut mamarsaatissatut akorineqartunut, taamaallaat annikitsuinnarmik atuiffiusunut.

§ 25. Imerusaatit imigassamik aalakoornartortalimmik 1,2 volumenprocent qaangerlugu imaqartut, qanoq imigassamik aalakoornartortalimmik imaqartiginersut pillugit paasissutissanik nalunaaqutsigaassapput.

*Imm. 2.* Imigassap aalakoornartortallip imarisaanut kisitsisit annerpaamik 1 decimalilerlugit nassuiarneqassapput. Tamanna ilisarnaammik uuminnaga "% vol" malitseqassaaq. Oqaaseq "imigassaq aalakoornartortalik" pisariaqarpat naalisarneqarsinnaavoq.

*Imm. 3.* Imigassat nalunaaqutserneqarsinnaapput aalakoornartortaqaanngitsutut, annerpaamik akoqarunik 0,5 volumenprocentimik alkoholimik.

## Kapitali 7

### *Poortuutissaq ilanngunnagu nerisassap oqimaassusaa*

§ 26. Nerisassat poortuutissaq ilanngunnagu nioqqutissap oqimaassusaa pillugu paasisutissanik nalunaaqutserneqarsimassapput. Tamanna tunisassianut imerpalasunut poortuutissarlu ilanngunnagu uuttuutit metriskiusut atorlugit annertussusinnngorlugu allanneqassaaq.

*Imm. 2.* Inuussutissaq qaleriiaarluni imerpalasuunngippat, inuussutissap imerpalasortaqqanngitsup oqimaassusaa allassimassaartaaq. Tamannali taamaallaat atuutissaaq, tunisassiap pingaarnertut imarisaanut sanilliullugu qalipaa immikkuullarissuuppat taamaammallu pisiamut allannguisuunani.

*Imm. 3.* Maani aalajangersakkami qalipaq ima paasineqassaaq imeq, seernartoq, tarajoq imerpalasoq, sukut allaluunniit kiisalu naatitanut atatillugu naatitanit safti.

*Imm. 4.* Taaguummi qalipaq-mi akut siuliani taaneqartut qerisut qerititsivimmiititallu kiisalu taakku akulerunnerat ilaapput.

*Imm. 5.* Inuussutissaq qillertunngorlugu qallerneqarsimappat inuussutissap puua qalliissutaasorlu ilanngunnagit oqimaassusaa allanneqassaaq.

§ 27. Nioqqutissaq poortoriigaq poortukkanik 2-nik arlalinnilluunniit nioqqutissamik imaqqortoqatigiippata nioqqutissap imaata annertussusaata nalunaarsorneqarnerani poortukkat ataasiakkaat imaat poortukkallu amerlassusaat ilanngullugit allanneqassapput. Taakkuli allassimanissaat pisariaqanngilaq, ataasiakkaarlugit poortukkat avataanit ersarippata kisinneqartariaannallutillu kiisalu poortukkami ataasiakkaat imarisaasa qassiunerat ersarippat.

*Imm. 2.* Nioqqutissaq poortoriigaq poortukkanik immikkut tuniniagassatut isigineqanngitsunik marlunnik amerlanernilluunniit imaqarpat imaata poortuutissaa ilanngunnagu oqimaassusaa nalunaarutigineqassaaq imaasa tamarmiusut katillugit poortukkallu qassiunerisa allannerisigut.

§ 28. Poortuutissaq ilanngunnagu nerisassap oqimaassusaa allanneqanngitsoorsinnaavoq:

- 1) Inuussutissat annertussusaat oqimaassusaalluunniit ataasiakkaarlugit tunineqarnermigut ilanngarujussuuartassappata imaluunniit pisisup pisilernerani uuttortarneqarpata.
- 2) Inuussutissap poortuutissaq ilanngunnagu oqimaassusaa 5 g imaluunniit 5 ml minneruppat. Mannali aalajangersagaq akuutissanut naasunillu akuutissianut atuutinngilaq.
- 3) Sukkunit tunisassiat, poortuutissaq ilanngunnagu oqimaassusaa 20 g-imit minneruppat.

## Kapitali 8

### *Inuussutissaqassuseq*

§ 29. Inuussutissat nalunaaqutserneratigut, saqqummiunneqarneratigut tuniniarneratigulluunniit inuussutissaqassusaanik pilerisaarutigineqartut, puuini inuussutissaqassusianut nalunaarsuiffimmik allassimasoqassapput.

§ 30. Inuussutissaqassutsimut nalunaarsuiffik tamarmi ataatsimut takuneqarsinnaasunngorlugu paasissutissallu qaleriiaartillugit allassimasapput. Tamanna periarfissaanngippat paasissutissat sanimut sanileriaartillugit allanneqassapput.

§ 31. Inuussutissaqassutsimut nalunaarsuiffimmi kisitsisit ilivitsuussapput suussutillu makku allassimassallutik:

- 1) Nukik kJ-inngorlugu aamma kcal.-nngorlugu.
- 2) Vitaminit mineralillu ilanngussaq 2-mi allassimasut suussusaat malillugit.
- 3) Akut inuussutissallit allat gramnngorlugit, taamaakkaluartoq § 36, imm. 2 takuuk.

§ 32. Inuussutissanut nalunaarsuiffimmi paasissutissat akulluunniit pilerisaarutigineqartut nalunaarummi maani allassimasut periutsit makku atorlugit agguaqatigiisinnerissavaat:

- 1) Tunisassiortup misissueqqissaarnera.
- 2) Akut atorneqartut pillugit agguaqatigiisinneri ilisimaneqartut piviusulluunniit tunngavigalugit naatsorsuineq.
- 3) Paasissutissat akuerisat nalinginnaasunngorlugillu inissititsikkat tunngavigalugit naatsorsuineq.

§ 33. Makkununga tunngatillugu inuussutissaqassutsimut pilerisaarisoqarsinnaavoq:

- 1) nukik imarineqartoq,
- 2) akut inuussutissallit § 7, nr. 2-6-imi allassimasut akullu taakku akut inuussutissallit suussutit akornanniittut imaluunniit taakku sananeqaataasa ilaat, imaluunniit
- 3) taakku vitaminit mineralillu ilanngussaq 2-mi allassimasut.

*Imm. 2.* Imm 1-imi taaneqartut saniisigut allat pillugit inuussutissaqassutsimut pilerisaarineq aatsaat pisinnaavoq, nerisassap inuussutissartaa akualuunniit annikillineqarsimaneranik, peerneqarsimaneranik ilanngunneqarsimaneranilluunniit pissuteqartumik ilisimatusarnikkut nalinginnaasumik akuerisaasumik timimut inuussutissaqassuseqarnikkullu iluaqutissartaqarpat. Taassuma saniatigut taanna nerisassap inuussutissaqassusaatigut sunniutissaanut atatillugu angissusaa naammalluni nerineqarsinnaanissaa piumasaqaataavoq.

*Imm. 3.* Inuussutissaqassutsimut pilerisaarutit ima oqaasertalersorneqassapput, inuussutissap piginnaasaanut sunniutissaanullu pineqartunut tulluartaullutik, eqqortumik tikkuussisuullutik paatsoornartuunatillu.

*Imm. 4.* Inuussutissaqassutsimut pilerisaarutip eqqortuussusaa nakkutilliisutut oqartussaasumit peqquneqarpat uppersarsarneqarsinnaassaaq.

§ 34. Inuussutissaqassutsimut nalunaarsuiffimmi inuussutissap tamarmiusup imarisai, tassa nukik, orsoq, orsut arrujaatsut, kulhydrat, sukku suussusaa, protein tarajorlu pillugit paasissutissat pinngitsooratik ilisimatitsissutigineqassapput.

*Imm. 2.* Imm. 1-imi paasissutissat allassimasut akunik inuussutissalinnik ataatsimik amerlanerilluunniit makkununga tunngasunik inuussutissaqassutsimut nalunaarsuiffimmut ilanngulugit ilisimatitsissutigineqarsinnaapput:

- 1) Orsut arrujaatsut ataasiakkaartut.
- 2) Orsut arrujaatsut qassiikkaartut.
- 3) Polyoler.
- 4) Kinersaat.
- 5) Kostfiberit.
- 6) Vitaminer mineralillu ilanngussaq 2-mi allassimasut, ilanngussami taaneqartoq naapertorlugu annertussuseqaraangata.

§ 35. § 34, imm. 1-imi paasissutissat taaneqartut tullerriaarneri malillugit allanneqassapput.

*Imm. 2.* Polyoler kinersaatilluunniit nalunaarsorneqarsimatillugit, nalunaarsuiffimmi kulhydratip kingorna imatut tullerriaarlugit nalunaarsorneqassapput. Nalunaarsuiffik imatut saqqummiunneqassaaq:

- 1) kulhydrat,
- 2) tassannga sukku suussusaa,
- 3) tassannga polyoler,
- 4) tassannga qerattarsaat.

*Imm. 3.* Orsut arrujaatsut ataasiakkaartut qassiikkuutaartullu nalunaarsuiffimmiippata, nalunaarsuiffimmi orsup allassimanager kingorna tullerriaarneqassapput. Nalunaarsuiffik imatut saqqummiunneqassaaq:

- 1) orsoq,
- 2) tassannga orsut arrujaatsut,
- 3) tassannga orsut arrujaatsut ataasiakkaartut,
- 4) tassannga orsut arrujaatsut qassiikkuutaartut.

*Imm. 4.* Imm. 2-imi 3-milu nalunaarutigisat tullerriaarneri aalajangerneqarput akulli tamaasa nalunaarutigineqarnissaat piumasarineqarnani.

*Imm. 5.* Kostfiberit nalunaarsorsimatillugit nalunaarsuiffimmi proteinip kingorna allanneqassapput.

§ 36. Aku inuussutissa qassusaanik pilerisaarutigineqartoq § 34, imm. 2-mi allassimasut suussutsit akornanniippat taakkuluunniit sananeqaataasa ilarippassuk akut pilerisaarutigineqartut inuussutissaqassusaat nalunaarsorneqarnissaat.

*Imm. 2.* Akut allat inuussutissaqassusaanik pilerisaaruteqarnermut atatillugu, tak. § 33, imm. 2, taakku annertussusaat imaluunniit akut pilerisaarutigineqartut inuussutissaqassutsimut nalunaarsuiffiup eqqaanut ataatsikkut takuneqarsinnaasunngorlugit allanneqassapput, tassa aku pillugu kiisalu uuttuut tulluortoq atorlugu annertussusaa.

§ 37. § 34 aamma § 36 naapertorlugit paasissutissat inuussutissaqassutsimut nalunaarsuiffimmi nioqqutissap nioqqutigineqarnerani 100 g-mut imal. 100 ml-imut imarititatut allanneqassapput.

*Imm. 2.* Pissusissamisoorpat, nerisassap piareersarneqarnissaa nassuiarneqarnera naammappat kiisalu nioqqut pillugu paasissutissat nerisassap nerineqartussaanageranut nassuiarneqarsimappata paasissutissat nioqqutip piareersareersimanagerat saqqummiunneqarsinnaapput.

*Imm. 3.* Paarissutissat imm. 1-imi 2-milu taaneqartut makkuninnga ilaneqarsinnaapput:

- 1) puuguttamut ataatsimut, aatsaalli puuguttanut qassinut naammannersut allassimappat,
- 2) annertussutsimut portuutissami allassimasumut, imaluunniit
- 3) inuup inersimasup nerisartagaasa agguaqatigiissinneranut procentitit innersuussuteqarnikkut, 100 g-imut imal. 100 ml-imut imal. puuguttamut ataatsimut imal. nerisassamut ataatsimut.

*Imm. 4.* Inuussutissaqassutsimut nalunaarsuiffimmi ilanngussaq 2-mi allassimasut pillugit vitaminit mineralillu allassimappata, taakkununnga 100 g-imut imaluunniit 100 ml-imut nerisat innersuutigineqartut procentiinik ilanngussisoqarnissaa piumasaqaataavoq.

§ 38. Nukik nalunaarsorsimasoq ilanngussaq 3-mi naatsorsueriaaseq allassimasoq naapertorlugu naatsorsorneqassaaq.

## Kapitali 9

### *Ulloq qaangiuffis saq kiisalu uninngasuuteqarnissaq atuinissarlu pillugit najoqqutit*

§ 39. Inuussutissap ulloq qaangiuffissaa ima allanneqassaaq:

- 1) "...sioqqullugu pitsaanerpaavoq",
- 2) "...naanerani pitsaanerpaavoq",
- 3) "...tikillugu pitsaanerpaavoq", imaluunniit
- 4) "... tikillugu ilanngullugulu pitsaanerpaavoq".

*Imm. 2.* Inuussutissat tappiorannartunut atatillugu asiujasut taamaammallu sivikitsup ingerlanerani inuup peqqissusaanut akornutaasunngorsinnaasut "ulloq atuiffis saq kingulleq ..." -mik allassimasoqassapput.

§ 40. § 39-mi paasissutissat ulluliussap saqqumisinneratigut imaluunniit ullup allassimaa nerata sumiinneranik innersuussinikkut saqqummī unneqassapput.

*Imm. 2.* Ulluliussaq paasiuminaallisarneqanngitsoq tullerīiaat ulloq, qaammat ukiorlu naapertorlugit allanneqassaaq. Taamaakkalu artoq inuussutissanut:

- 1) qaammatit pingasut inorlugit atasinnaassuteqartunut ulloq qaammallu allannissaat naammappoq,
- 2) qaammatit pingasut sinnerlugit 18-illi inorlugit atasinnaassuteqartunut, qaammat ukiorlu allannissaat naammappoq, aamma
- 3) qaammatit 18-it sinnerlugit atasinnaassuteqartunut ukioq qaangiuffiususaaq allannissaat naammappoq.

§ 41. Inuussutissat naammassereerlugit poortukkat ullormik tunisiffissamik kingullermi k imaluunniit qaangiuffissaanik nalunaaqutse neqarsimasut qaangiuffissaanik nutaamik nalunaaqutseqqinneqarsinnaanngillat imalu unniit poortoqqinneqarsinnaanngillat.

*Imm. 2.* Tunisassiortoq qaangiuffissamik ulluliisimappat imm. 1 inuussutissanut § 43-mi allassimasunut atuupportaaq.

§ 42. Qaangiuffissat pillugit paasissutissani qaangiuffissaata eqquutsinniarnissaa qulakkeerneqartariaqarpat uninngasuutigini ssaanut najoqqut ilanngunneqassaaq.

*Imm. 2.* Inuussutissat § 39, imm. 2-mi allassimasut pinngitsooratik uninngasuutigineqarnissaannut najoqqutissaqartassapput.

§ 43. Ullumik qaangiuffissamik allagartal iineq inuussutissanut ukununnga pinngitsoortinneqarsinnaavoq:

- 1) Paarnat naatitat, naatsiiallu nutaat qalipaajarneqanngitsut, aggorneqanngitsut allatullu unniit assingusumik suliarineqarsimanningsut. Taamatut pinngitsoortitsineq naatsiissanut naalersunut allanullu assingusunut, soorlu naatitat puullit naarlaavinut, atuutinngilaq.
- 2) Iffiukkat mamartuliallu, qanoq issusertik pissutigalugu suliarineqarnerminniit nal. aku nneri 24-t qaangiutsinnagit nerineqartussatut naatsorsuussat.
- 3) Seernartoq.
- 4) Tarajoq.
- 5) Sukkut mangertut.
- 6) Mamakujuttut mamarsaatillit aamma/im arluunniit qalipaasikkanik sukkullit.
- 7) Tyggegummit tunisassiallu allat tamuagassiat assingi.
- 8) Viinnit, Viinni akusaq, mousserende viinnit, viinnit mamarsaatillit allallu tunisassiat assingi, viinnissanit (drue) sanaajunatik allanik paarnanit sanaat.
- 9) Imigassat 10 procentinit annerusumillu unniit aalakoornartullit.

§ 44. Nalunaaqutsiinermi atuinissamut ilitsersuut ilanngunneqassaaq, matuma ilanngutinnginneratigut inuussutissaq kukkusumik nerineqarsinnaappat.

### **Kapitali 10**

*Nakkuti illiineq, immikkut ittumik akuersineq pineqaatissiinerlu pillugit aalajangersakkat*

§ 45. Nalunaarummi matumani maleruagassat nalunaarullu manna naapertorlugu aalajangiussat maleruarneqarnissaasa nakkutiginnissaat Naalakkersuisut suliaassaraat.

§ 46. Naalakkersuisut pissutsit immikkut ittut pissutigalugit tunngavissaqarunillu nalunaarut manna saneqqunneqarsinnaasoq nalunaarutigisinnaavaat.

§ 47. Unioqqutitsinerni § 11, imm. 1-3, § 12, § 13, imm. 1, §§ 14-19, § 22, imm. 1, § 23, imm. 1 aamma 4 aamma 5, § 24, imm. 1, § 25, § 26, imm. 1 aamma 2, § 27, §§ 29-33, § 34, imm. 1, §§ 35 aamma 36, § 37, imm. 1 aamma 4, §§ 38-42 aamma 44-mi aalajangersakkanik, imaluunniit nalunaarut manna naapertorlugu aalajangiussat unioqqutinneqartillugit akileeqqusissummik tunniussisoqarsinnaavoq Kalaallit Nunaanni pinerluttulerinermut inatsimmi malittarisassat naapertorlugit.

*Imm. 2.* Ingerlatseqatigiiffiit il.il (inatsisitigut pisinnaatitaasut pisussaataasullu) pinerluttulerinermi inatsisitigut akisussaatinneqarsinnaapput, Kalaallit Nunaanni pinerluttulerinermi inatsimmi kapitali 5-imi aalajangersakkat malillugit.

*Imm. 3.* Akiliutit imm. 1 aamma 2 naapertorlugit nunatta karsianut akilerneqartassapput

### **Kapitali 11**

*Atuutilersitsinermut, atorunnaarsitsinermut aamma ikaarsaariarnermut aalajangersakkat*

§ 48. Nalunaarut manna 18. august 2020-imi atuutilerpoq.

*Imm. 2.* Ilutigisaanik atorunnaarsinneqarpoq Nerisassanik nalunaaqutsersuisarneq pillugu Namminersorlutik Oqartussat nalunaarutaat nr. 20, 15. november 2019-imeersoq (nalunaaqutsersuisarnermut nalunaarut).



*Imm. 3.* Nalunaarut atuukkunn aarsimasoq naapertorlugu imm. 2-mi sanioqqutsisinnaanermik aalajangersakkat atuutiinnassapput, qaangiunnissaasa atuukkunnaarsinneqarnissaasaluunniit tungaanut.

*Namminersorlutik Oqartussat, ulloq 17. august 2020*

  
Jens-Frederik Nielsen

  
Isak Nielsen Kleist

**IMM. 1: AALAJANGERSIMASUMIK TAAGUUSERSUINANI SUUSSUSERLUGIT  
(KATEGORI) TAAGUUSERSORNERISIGUT AKUUTISSAT ILAAT  
TAAGUUSERNEQARNERI**

Akuutissat tullinnguuttuni inuussutissat suussus aannut ilaasut, inuussutissanullu allanut ilaallutik , taassuma suussusaata taaguuta atorneqassaaq, taaguutaa aalajangersimasoq atorlugu. Inuussutissaq sapigalinnut navianartumik akoqarpat, tak. § 23, suussusaata taaguutaata saniatigut sapigalinnut navianartoq sorpiaanersoq allassimassaaq.

Inuussutissat suussusaanik killisiuineq	Taaguut
1. Uuliat sukuluiakkat uumasuneersut	»Uulia« »uumasunit«-imik imaluunniit uumasup pineqartup allanneratigut ilalerneqartassaaq.  Uuliap issorsimasup taaguusernissaanut taaguut »issorluarsimasoq« imaluunniit »issorsimasoq« tulluarnersoq naapertorlugu allanneqassaaq.
2. Orsut sukuluiakkat uumasuneersut	»Orsoq« »uumasunit«-imik imaluunniit uumasup pineqartup allanneratigut ilalerneqartassaaq.  Uuliap issorsimasup taaguusernissaanut taaguut »issorluarsimasoq« imaluunniit »issorsimasoq« tulluarnersoq naapertorlugu allanneqassaaq.
3. Qajuusat akuukkat assigiinngitsunit marluunniit amerlanersusunilluunniit karrineersut	Qqaatsip »Qajuusat«-p tulluunniit karrineerfiisa suussusaat oqimaassusaat naapertorlugit oqimaannerit qulliutillugit tullerriaartillugit allassimassapput.
4. Qerattarsaat qerattarsaalluunniit suliarineqarngitsoq, atortorissaarutitigut imaluunniit enzymit atorlugu suliarineqarsimasoq	»Qerattarsaat«
5. Aalisagaq sunaluunniit inuussutissami allami nioqqutip taaguutaa saqqummiunneqarneralu ilanngutereerlugu aalisakkat sorliuneranik	»Aalisagaq«

allassimasoqartinnagu akuutissatut ilanngunneqartillugu		
6. Immussuit suulluunniit inuussutissami allami immussuarmi immussuatulluunniit akuukkami nioqqutip taaguutaa saqqummiunneqarneralu ilanngutereerlugu immussuit sorliuneranik allassimasoqartinnagu akuutissatut ilanngunneqartillugu immussuarmut aalajangersimasumut innersuussaangillat.		»Immussuaq«
7. Akuutissat tamarmik inuussutissap oqimaassusaata 2 %-ianik annerunngitsut		»Akuutissaq(t)« imaluunniit »akuutissat akulerussat«
8. Naasunit akuutissiaq imaluunniit naasunit akuutissiap ilaa inuussutissap oqimaassusaata 2 %- ianit annerunngitsoq		»Naasunit akuutissiaq(t)« imaluunniit »naasunit akuutissiat akulerussat«
9. Gummit tunisassiat suulluunniit tyggegummiliornerni atorneqartut		»Gummibase«
10. Rasp suminggaanneeraliuarpalluunniit		»Rasp«
11. Saccharosetit immikkoortut tamaasa		»Sukkut«
12. Dextrose imertaqanngitsoq imaluunniit dextrosemonohydrat		»Dextrose«
13. Glucosesirup aamma dehydreret glucosesirup		»Glucosesirup«
14. Mælkeproteininit tamaasa (kasein, kaseinat aamma valleprotein) kiisalu tamakkuninnga akuukkat		»Mælkeprotein«
15. Pisset kakaosmør, expellerkakaosmør inmaluunniit raffineret kakaosmør		»Kakaosmør«
16. Tamarmik sisamaallutik		»Vin«
17. Saanerni ujallut <sup>1</sup> uumasunit miluumasuneersut timmissaneersullu nerisassatut akuerineqarsimasut, pissusissamisoortumik ameraasartallit, imaluunniit ujallut eqqaaniittunik ameraasartallit, orsumik amerasanillu akullit naleqassutsinik matuma ataani aalajangersarneqarsimasunik sippuisimasut, tassa neqi nerisassani allani akuugaangat.  "Neqimik" taaguutillit orsumik ameraasanillu akoqarnerpaaffissaat:		»neqi/nerpik ... «-p uumasooq sorlermeerfia ilanngulluga allassimassaaq.
Suussusaat	Orsoqassuseq	Collagen-

<sup>1</sup> Akuaq aamma ujallut tamorrasit, uffa uummatit, oqqat niaqqumilu ujallut allat tamorrassaangitsut, seqqumi ujallut, kimmik pamiorlu taamaangillat.

		/neqimi proteineqassuseq <sup>2</sup>	
Miluumasut (kaniinat puulukillu minillugit) miluumasullu assigiinngitsut akulerunneri taassumalu annersaa miluumasuulluni	25 %	25 %	
Puuluki	30 %	25%	
Timmissat kaniinallu	15 %	10	
<p>Orsup ujjallullu/ujjallulluunniit annerpaaffissaat qaangerneqarpat, »neqi«-mullu piumasaqaatit tamarmik naammassineqarlutik, »neqi«-p imarisai massuma kingunerisaanik annikillisinneqassapput akullu allattorsimaffiani »neqi«-p saniatigut orsoqassusaa/ujaloqassusaa allassimassaaq.</p> <p>Tamanna nassuiaat tunisassianut »neqi maskinamik immikkoortitaq«-mik nassuiasi masunut atuutinngilaq.</p>			
<p>18. Tunisassiat suulluunniit »neqi maskinamik immikkoortitaq«-mik nassuiasi masunut ilaasut.</p> <p>"Neqi maskinamik immikkoortitaq" ima paasineqassaaq, tunisassiaq neqip saanermi timmiamilluunniit mekaniskimik peerneqarneratigut pilersitaq, tassa neqip nukeruartai peerneqanngikkunik allanngortillugit.</p>			<p>»neqi maskinamik immikkoortitaq«-p uumasooq sorlermeerfia ilanngulluga allassimassaaq.</p>

<sup>2</sup> Collagen-/neqimi proteineqassuseq neqip proteinini collagenip annersuussianut taaguutaavoq. Collagenitaa hydroxyprolinitaanit arfineq-pingasoriaammik akoqarneruvoq.

**IMM 2: AKUT ASSIGIINNGITSUT SUUSSUSAAT ILUAQUTSIULLUGU  
TAAGUSERNEQARNERAT, SORPIAANERANNILLU TAAGUUT E-  
NORMUALUUNNIIT TULLINNGUULLUNI**

Inuussutissanut tapiliutissat inuussutissanullu enzymit, maani pineqartuni suussutsinut taaneqartunut ilaasut, suussutsinut ilaaffigisaannik taaguuserneqarsinnaapput sorpiaanerannillu taaguut e-normualuunniit tullinnguulluni. Aku suussutsinut ilaanngippat, taassuma inuussutissami pingaarnertut atuuffia allanneqassaaq. Sapigaqartunut navianartut, tak. § 23, imm. 2, atorneqartillugit kisiannili suussutsimut taanna ilisarnaak atorneqartoq, timikkut malussarissusermut sorpiaanersoq paasissutissaq ilangunneqassaaq.

Seernarteq
Seernartuiaat
Eqiterunnaveersaat
Qapunnaveersaat
Antioxidant
Fyldemiddel
Qalipaat
Emulgator
Smeltesalt <sup>3</sup>
Konsistensmiddel
Mamassusersaat
Melbehandlingsmiddel
Qapussaat
Geleringsmiddel
Overfladebehandlingsmiddel
Isugutaannarsaat
Qerartarsaat <sup>4</sup>
Asiunaveersaat
Drivgas
Pullassaat
Kompleksdannere
Kinersaat
Tungusunnissaat
Kinersaat

<sup>3</sup> Aatsillugit immussualianut taaassuminngalu tunisassianut taamaallaat atorneqarsinnaavoq.

<sup>4</sup> Immikkut ittunik taaguusersuisoqartariaqanngilaq E-normulersuisoqartariaqaraniluunniit taamaattoqli qerartarsaammi immikkut ittunik sapikkat oqaatigineqassapput.

### IMM 3: AKUT ALLATTORSIMAFFIANI MAMARSAATINUT TAAGUUTIT

”Mamarsaatit” ima paasineqassapput suliareqqaarnagit nerineqartussatut naatsorsuussaannigitsut aamma tipigissarniarlugit mamalerniarlugilluunniit nerisassanngortillugit akorneqarsimasut. Mamarsaatit akutut atorneqarniartillugit makkuninnga taaguuteqartinneqarsinnaapput:

— »mamarsaat(it)« imaluunniit mamarsaatip ersarinnerusumik nassuiarneratigut.

— »pujuugarsunnissaat«, imaluunniit »pujuugarsunnissaat inuussutissaneersoq imaluunniit inuussutissat suussusaanneersoq taassumaluunniit suminngaanneerfianeersoq« (Ass.. »pujuugarsunnissaat qisummeersoq«), mamarsaatip inuussutissaq pujuukkatut tipeqalersippagu aamma/imaluunniit mamaqalersippagu.

Inuussutissiornermi taassuminngaluunniit piareersaanermi kinin aamma koffein mamarsaatit atorneqartillugu tamanna akut allattorsimaffiannut ilanngunneqassaaq, taaguutip »mamarsaat(it)« kingorna.

**ULLORMUT VITAMININIK MINERALINILLU NERISAQARNISSAMUT  
NAJOQQUTAQ (INERSIMASUT)**

Vitaminit mineralillu inuussutissartaqas sutsimik nalunaarsuummi allassimasut, taakkulu inuussutissaqassusaat (NRV):

Vitamin A (µg)	800
Vitamin D (µg)	5
Vitamin E (mg)	12
Vitamin K (µg)	75
Vitamin C (mg)	80
Thiamin (mg)	1,1
Riboflavin (mg)	1,4
Niacin (mg)	16
Vitamin B6 (mg)	1,4
Folsyre (µg)	200
Vitamin B12 (µg)	2,5
Biotin (µg)	50
Pantothensyre (mg)	6
Kalium (mg)	2,000
Chlorid (mg)	800
Calcium (mg)	800
Phosphor (mg)	700
Magnesium (mg)	375
Savimineq (mg)	14
Zink (mg)	10
Kobber (mg)	1
Mangan (mg)	2
Fluorid (mg)	3,5
Selen (µg)	55
Chrom (µg)	40
Molybdæn (µg)	50
Jod (µg)	150

Ileqqusut malillugit vitamini mineralilunniit ”annertoq” pillugu aalajangiinissamut annertussutsit makku eqqarsaatigineqassapput:

— 100 gramimut imaluunniit allanut niqqutissanut imeruarsaataanngitsunut 100 ml-imut inuussutissaqassutsimut annertussutissatut najoqqutissatut siuliani allassimasup 15 %-ia

— imeruarsaataangitsunut 100 ml-imut inuussutissaqassutsimut annertussutissatut najoqqutissatut siuliani allassimasup 7,5 %-ia

— Poortugaq puuguttamut ataatsimut naammattumik imaqarpat puuguttamut ataatsimut (portion) inuussutissaqassutsimut annertussutissatut najoqqutissatut siuliani allassimasup 15 %-ia.



**KISITSERIAATSIT**

NUKIUP ANNERTUSSUSAATA KISINNISSAANUT KISITSERIAATSIT

Nukiup annertussusaa nalunaarsuiffimmi allassimasussaq kisitseriaatsit uku atorlugit kisinneqassaaq:

kulhydrat (polyolerurit kisiisa ilanngunnagit)	17 kJ/g – 4 kcal/g
polyoler	10 kJ/g – 2,4 kcal/g
protein	17 kJ/g – 4 kcal/g
orsoq	37 kJ/g – 9 kcal/g
salatrimtyper	25 kJ/g – 6 kcal/g
Imigassaq aalakoortartoq (ethanol)	29 kJ/g – 7 kcal/g
seernartoq arrortinneqarsinnaasoq (organisk syre)	13 kJ/g – 3 kcal/g
kostfibre	8 kJ/g – 2 kcal/g
erythritol	0 kJ/g – 0 kcal/g